

riano havere insieme a causa de Boch, lo Berchon, Thanduch, Duyalli, la Venerie de Altem, Erchalence, et de tutti dannagi et intraprese dove l'uno potria pretendere haver causa a l'altro, remeterano et se reportarano al re di Franza, et comparerano in persona li dicti principi *coram rege* in qualunque parte che 'l sia *intra Assumptionem Beate Virginis proximam venturam*, over do o tre zorni più presto o più tardi, per udire le rasoni di ciascuna parte; et udite le rasoni et le risposte, el prefato signore re poterà ordinare, determinare per amicitia o per bona rasoni ad suo beneplacito; el dicto e la ordinantia del qual, li predicti tre principi atenderano integramente, senza contradire nè contravenire, sotto pena et compromesso de 3000 scudi d'oro, i quali quello di tre principi che sarà trovato defalente sarà tenuto pagare incontinenti, *hoc modo* che le doe parte siano applicate al prefato signore re e l'altra parte a la parte acquiescente, et questo non obstante tenere el dicto et la sententia dil re in pieno valore et virtù.

Item, è espressamente conditionato che si 'l fusse dicto et cognossuto per il prefato signor re, che la terra Erchlenghe dovesse esser messa fora de le man dil ditto signor di Juliers, et che 'l prefato signor re mandasse qualche mandato *in scriptis* a l'official de ditta Erchlenghe che è per el presente da parte de monsignor de Juliers, el sarà tenuto quello obedir ciò che il dicto oficial ha zà promesso per juramento, far in le mane di misier Rubertet de la Marcha, et si 'l advien che 'l ditto official passasse di questa vita presente avanti del radunare de dicti principi davanti el re, sia fato lo oficial che sarà per l'horo, et sarà *pari modo* obligato de fare tutto quello che 'l prefato signor comandarà per scriptura.

Item, pendente le dictie tregue et tratato, potranno li subditi di uno principe et de l'altro, et tutti li soi aderenti, servitori adiutanti de una parte et de l'altra, siano, nobile o non nobile, de qualunque maniera se sieno intromessi in la guerra, senza alcuna reservatione potranno andare certi et securi, far l'horo mercantie et negocii in città et terre de l'uno e l'altro principe, per acqua et per terra, dove si aparerà bono, senza che per cosse advenute li se possa dare turbatione o impedimento; niente di meno ciascuno sarà tenuto pagare soi debiti secondo el dirieto et costume, et inquirere et adimandare per giudice competente.

Item, è dicto et specialmente conditionato che tutti subditi et sottoposti de ditti tre principi, pendente le dictie tregue, habitarano in le città et dominii

de l'uno et de l'altro principe, *firme et realiter* senza conducto, et pendente questo tempo, li subditi de uno principe et de l'altro possederà beni in le terre de uno e de l'altro; li gauderano senza impedimento.

Item, et li baroni de Gueldres, *hoc est* misier Orsbat conte de Berchon, et Jacob de Brorilrhorse Batenbere, signor de Auceolte, Joanne signor de Obliès, Icham de Vorsari, signor de Hapel, sono et sarano ancora capitulati et ben compresi nel presente apontamento et tractato, tanto et si longamente che i dicti tre principi sarano retornati de Francia *ut supra dictum est*.

Item, è dicto et conditionato che, pendente el tempo del dicto apontamento et tregue, i dicti principi non suferirano nè permetterano in l'horo paesi terre o signorie sia fato alguna presa o dannagio de l'uno sopra l'altro de sua scientia o voluntà, ma che la maniera de tratar sia parimente come a li beni de' l'horo subditi.

Item, è dicto che 'l nobile signore misier Phedrin Dargemona signor de Sistren, sarà compreso nel presente tratato et apuntamento, in modo che monsignor de Gueldres et tutti li soi li, atenderano et suferirano integramente gaudere, durante el tempo de dicto apontamento et tractato; et tutte differentie apartinente a città et castelli o altramente saranno messe a la determinatione dil prefato signor re, et se troverà il dicto de Sistren apresso il re in persona quando li sopra nominati tre principi se ritroverano.

Item, è dicto che li doi principi sopradicti de Juliers et de Cleves dispenserano et ordinarano che le case de Ansen et Salberch sarano incontinenti rendute et rimesse in le mano de quelli de chi le sono; *349* parimente farano tutto dover justa el l'horo possibile che le do case Flasent et Rode siano parimente remisse et rendute in le mano de chi quelle sono, et la casa de Heyl sarà incontinenti per monsignor de Juliers remissa et renduta in le mano di misier Robertet de la Marcha, come official de Monteforte.

Item, et ad fine che tutti ponti et articoli, qui davanti declarati siano bene et firmamente tenuti et acompliti, misier Robertet de la Marcha sopradicto, per el nome dil prefato signor re di Franza, ha fato appendere et mettere suo sigillo a questo presente tractato, et *similiter* li dicti tre principi et signori de Gueldres, Juliers et Cleves davanti nominati li l'horo, zoè che io Robertet de la Marcha sopradicto notifico haver tratato et fato in nome del prefato signor